



Fræðslumiðstöð Vestfjarða  
Miðstöð símenntunar og háskólanáms á Vestfjörðum

*Samantekt um árið 2001*  
*Áætlun fyrir árið 2002*

Smári Haraldsson, forstöðumaður.

## **E F N I S Y F I R L I T**

INNGANGUR.....	1
<b>SAMANTEKT UM ÁRIÐ 2001.....</b>	<b>2</b>
SÍMENNTUNARSTÖÐVAR .....	2
STARFSSVIÐ.....	2
STJÓRN OG FULLTRÚARÁÐ.....	3
STARFSMENN.....	3
HÚSNÆÐI.....	3
<i>Skrifstofan að Árnagötu 2-4.....</i>	<i>3</i>
<i>Kennsluhúsnæði.....</i>	<i>4</i>
<i>Aðstaða fyrir háskólanema.....</i>	<i>4</i>
<i>Fjarfundabúnaður.....</i>	<i>5</i>
STARFSEMIN 2001.....	6
<i>Námskeið.....</i>	<i>6</i>
<i>Háskólanámið.....</i>	<i>7</i>
<i>„Markviss“.....</i>	<i>8</i>
<i>Vika símenntunar.....</i>	<i>8</i>
KYNNISFERÐ TIL SKOTLANDS.....	9
<b>STARFSÁÆTLUN FYRIR ÁRIÐ 2002.....</b>	<b>10</b>
<i>Húsnæði.....</i>	<i>10</i>
<i>Háskólanám.....</i>	<i>10</i>
<i>Námskeið.....</i>	<i>11</i>
<i>Fjármál.....</i>	<i>12</i>
<i>Viðaukar.....</i>	<i>12</i>

### ***Inngangur***

Skipulagsskrá Fræðslumiðstöðvar Vestfjarða var undirrituð af stofnendum á Ísafirði 28. ágúst 1999. Miðstöðin tók til starfa síðla árs 1999. Árið 2001 var því annað fulla starfsár hennar. Segja má, að Fræðslumiðstöðin hafi tekið við af Farskóla Vestfjarða, sem rekinn hafði verið um nokkurra ára skeið og stóð fyrir margvíslegum námskeiðum um fjórðunginn.

Stofnendur Fræðslumiðstöðvar Vestfjarða voru þessir: Alþýðusamband Vestfjarða, Atvinnuþróunarfélag Vestfjarða, Félag opinberra starfsmanna á Vestfjörðum, Fjórðungssamband Vestfirðinga, Framhaldsskóli Vestfjarða (nú Menntaskólinn á Ísafirði), Náttúrustofa Vestfjarða, Skólaskrifstofa Vestfjarða, Svæðisskrifstofa um málefni fatlaðra á Vestfjörðum, Útvegsmannafélag Vestfjarða og Vinnuveitendafélag Vestfjarða.

Fræðslumiðstöð Vestfjarða er sjálfstæður lögaðili sem starfar samkvæmt staðfestri skipulagsskrá og á grundvelli laga nr. 19/1988 *um sjóði og stofnanir sem starfa samkvæmt staðfestri skipulagsskrá.*

Í samantekt þessari er gerð grein fyrir starfinu árið 2001 og lögð fram áætlun fyrir árið 2002.

# Samantekt um árið 2001

## Símenntunarstöðvar

Fræðslumiðstöð Vestfjarða er ein af 8 símenntunarstöðvum á landsbyggðinni, sem starfa allar á svipuðum forsendum. Þær hafa með sér félagsskap sem nefnist Kvasir og var stofnaður í lok maí árið 2000. Til viðbótar stöðvunum innan Kvasis var á árinu 2001 stofnuð símenntunarstöð við Fjölbrautaskólann við Ármúla. Stöðvarnar eru þessar:

	<b>Aðsetur</b>	<b>Forstöðumaður</b>
<b>Fræðslumiðstöð Vestfjarða</b>	Ísafirði	Smári Haraldsson
<b>Farskóli Norðurlands vestra – símenntunarmiðstöð</b>	Sauðárkróki	Anna Kristín Sigurðardóttir
<b>Símenntunarmiðstöð Eyjafjarðar – SÍMEY</b>	Akureyri	Katrín Dóra Þorsteinsdóttir
<b>Fræðslumiðstöð Norðurlands eystra</b>	Kópaskeri	Iðunn Antonsdóttir
<b>Fræðslunet Austurlands</b>	Egilsstöðum	Emil Björnsson
<b>Fræðslunet Suðurlands</b>	Selfossi	Jón Hjartarson
<b>Miðstöð símenntunar á Suðurnesjum</b>	Keflavík	Skúli Thoroddsen
<b>Símenntunarmiðstöð Vesturlands</b>	Borgarnesi	Inga Sigurðardóttir
<b>Framvegis – miðstöð um símenntun í Reykjavík</b>	Fjölbrautaskólanum við Ármúla	Björg Árnadóttir

## Starfssvið

Starfsemi Fræðslumiðstöðvar Vestfjarða má skipta í fjögur megin svið. Þau eru:

1. Námskeiðahald.
  - Tómsundanámskeið, svo sem tungumálanám.
  - Starfsgreinatengd námskeið, svo sem kjarnanámskeið starfsstétta.
  - Námskeið sem veita réttindi, svo sem vélavarðanám og nám til 30 tonna skipstjórnarréttinda.
2. Þjónusta við háskólanám, einkum fjarnám.
3. Upplýsingar og ráðgjöf. Fólk á að geta komið til Fræðslumiðstöðvarinnar og fengið upplýsingar um hvers konar nám sem það leitar að. Að minnsta kosti á fólk að geta fengið að vita hvert það getur leitað eftir upplýsingum.
4. Samstarf. Fræðslumiðstöðin er í samstarfi við ýmsa, bæði hérlendis og erlendis. Þessi þáttur er mjög mikilvægur til að fylgjast með því sem aðrir eru að gera á þessu sviði.

## Stjórn og fulltrúaráð

Stjórn Fræðslumiðstöðvar Vestfjarða skipa:

**Aðalmenn:** Ólína Þorvarðardóttir, formaður, tilnefnd af skólanefnd Menntaskólans á Ísafirði (kom inn í stjórnina árið 2001 í stað Björns Teitssonar), Óðinn Gestsson og Guðrún Stella Gissurardóttir.

**Varamenn:** Jón Reynir Sigurvinsson, tilnefndur af skólanefnd Menntaskólans á Ísafirði, Dagrún Matthíasdóttir og Ásgeir Þór Jónsson.

Fulltrúaráð er þannig skipað:

Stofnun / samtök	Aðalfulltrúi	Varafulltrúi
Alþýðusamband Vestfjarða	Lilja Rafney Magnúsdóttir	Helgi Ólafsson
Atvinnuþróunarfélag Vestfjarða	Guðrún Stella Gissurardóttir	Aðalsteinn Óskarsson
Félag opinberra starfsmanna á Vestfjörðum	Dagrún Matthíasdóttir, formaður	Heiðar Guðmundsson
Fjórðungssamband Vestfirðinga	Ingimar Halldórsson	Birna Lárusdóttir
Menntaskólinn á Ísafirði	Ólína Þorvarðardóttir	Jón Reynir Sigurvinsson
Náttúrustofa Vestfjarða	Þorleifur Eiríksson	Smári Haraldsson
Svskrst. um málefni fatlaðra á Vestfjörðum	Laufey Jónsdóttir	Sigfríður Hallgrímsdóttir
Útvegsmannafélag Vestfjarða	Einar Valur Kristjánsson	
Vinnuveitendafélag Vestfjarða	Einar Jónatansson	

## Starfsmenn

**Jóhanna Kristjánsdóttir** gegndi starfi forstöðumanns Fræðslumiðstöðvar Vestfjarða frá desember 1999 en lét af störfum vorið 2001. Hún var í 50% starfi.

**Guðfinna M. Hreiðarsdóttir** var í 70% starfi frá október 2000 en lét af störfum 31. júlí 2001.

**Smári Haraldsson** tók við starfi forstöðumanns 15. júlí 2001 og er hann í 100% starfi.

**Brynjar Ingason**, sem fært hafði bókhald Fræðslumiðstöðvarinnar, var ráðinn í 50% starf frá 22. september 2001. Frá áramótum 2001/2002 var starfshlutfall Brynjars hækkað í 65% og sér hann nú innan fasts vinnutíma um allt bókhald, ásamt fleiri störfum á Fræðslumiðstöðinni.

## Húsnæði

### Skrifstofan að Árnagötu 2-4

Höfuðstöðvar Fræðslumiðstöðvar Vestfjarða eru í húsnæði Þróunarseturs Vestfjarða að Árnagötu 2-4 á Ísafirði. Þar deilir hún aðstöðu með 9 öðrum stofnunum og fyrirtækjum. Sameiginlegir starfsmenn við símvörslu og mótuneyti eru í tæplega 1,6 stöðugildum. Jafnframt gegna þeir starfi ritara.

## Hinn sameiginlegi rekstur skiptist þannig:

	Rafmagn skiptist eftir fermetrum	Laun ritara skiptast eftir hlutfalli*	Laun við ræstingu skiptast eftir fermetrum	Sorplosun skiptist jafnt	Húsaleiga skiptist eftir fermetrum	Internet skiptist eftir fjölda tölvu	Kostn. v/eldhúss skiptist eftir fjölda starfsmanna	Grunnleiga síma skv. notkun og fjölda starfsmanna
Skipaafgreiðsla G. J.	8,01%		6,63%	10%		11,11%	9,50%	
Svæðisvinnumiðlun	15,36%	12,75%	11,85%	10%	95,36	16,67%	14,30%	20,00%
Vinnueftirlit	14,53%	5%	9,94%	10%	84,99		9,50%	
Hafrannsókn	8,91%	8,50%	11,63%	10%	120,83	11,11%	9,50%	6,70%
RF	14,45%	8,50%	30,78%	10%	255,22	16,67%	19,10%	20,00%
Fjórðungssamband	4,01%	8,50%	3,31%	10%	24,87	5,56%	4,80%	6,70%
Matra	4,01%	8,50%	3,31%	10%	24,87	5,56%	4,80%	6,70%
Fræðslumiðstöð	4,01%	11,75%	3,75%	10%	24,87	5,56%	4,80%	6,70%
Atvinnuþróunarfélag	20,03%	28%	15,69%	10%	103,38	22,22%	19,10%	26,70%
Atvþrfélag v/salar	6,68%		3,12%		41,50			
Fjölmenningarsetur		8,50%		10%		5,56%	4,80%	6,70%

\* Skiptist eftir áætlun; hlutfallið endurskoðað á 6 mánaða fresti.

Skipaafgreiðsla Gunnars Jónssonar annast innheimtu hitakostnaðar. Ýmis stofnkostnaður skiptist jafnt, svo sem borðbúnaður, verkfæri og ritföng í móttöku. Pappír, blekduft, ýmis ritföng o.þ.h. skiptist skv. notkun.

## Kennsluhúsnæði

Kennsla fjarnemenda í hjúkrunarfræði og íslensku fór öll fram í húsnæði Menntaskólans á Ísafirði á Torfnesi og kennsla rekstrarfræðinema að mestu. Kennsla nemenda í nútímafræði fór fram í húsnæði Þróunarseturs Vestfjarða að Árnagötu 2-4 á Ísafirði. Kennsla fjarnema um fjarkennslubúnað á Patreksfirði fór fram í Félagsheimilinu á Patreksfirði.

Meirihluti námskeiða fór einnig fram í Menntaskólanum á Ísafirði. Nokkur námskeið voru haldin í Þróunarsetrinu og Menntasmiðja kvenna var í húsnæði Hafnarsjóðs Ísafjarðar í Hafnarhúsinu á Ísafirði.

Námskeið grunnskólakennara fóru fram í húsnæði Grunnskólans á Ísafirði, sem og öll námskeið í tölvufræðslu.

Námskeið utan Ísafjarðar voru flest haldin í húsnæði grunnskóla á viðkomandi stöðum.

## Aðstaða fyrir háskólanema

Ný lestrar- og vinnuáðstaða fjarnemenda var opnuð í heimavist Menntaskólans á Ísafirði laugardaginn 22. september. Menntaskólinn hefur síðastliðin 3 ár látið fjarnemum í té aðstöðu á heimavistinni til lestrar og vinnu. Til að skapa hinum mikla fjölda háskólanema aðstöðu lét skólinn Fræðslumiðstöðina hafa annað pláss á heimavistinni eða mestalla suðurálmuna. Þar fengu nemendur til umráða 19 herbergi á tveimur göngum vistarinnar, auk sameiginlegrar vinnuáðstöðu og setustofu. Hótel Ísafjörður hefur haft neðri hæð suðurálmunnar á leigu en lét hana eftir fyrir háskólastarfseminna. Auk þess lánaði hótelið leslampa á hvert skrifborð. Á vor-

misseri 2002 þurfti Menntaskólinn meira húsnæði á heimavist og fékk 6 herbergi á neðri hæð, þannig að Fræðslumiðstöðin hefur nú á vormisseri 2002 aðeins 13 herbergi á vistinni. Í lestraradstöðunni leggur Fræðslumiðstöðin til 2 nettengdar tölvur, prentara og ljósritunarvél. Auk þess lét hún setja upp nettengingar í 8 herbergjum, þar sem nemendur geta komið með eigin tölvur og tengst prenturum og interneti. Þá lét Fræðslumiðstöðin setja upp talnalás við útidyr.

Vinnuaðstaða þessi er opin öllum sem stunda háskólanám eða sérnám í fjarnámi. Auk aðstöðunnar eiga nemendur að geta fundið þar samfélag sem nauðsynlegt er í námi á þessu stigi. Fræðslumiðstöðin kom upp samsvarandi aðstöðu á Patreksfirði, þar sem bæjaryfirvöld lána hluta af félagsheimilinu til þessara nota. Í þeirri aðstöðu var komið fyrir nettengdri tölvu og prentara, svo og ljósritunarvél og faxtæki í einu tæki.

## Fjarfundabúnaður

Á árinu 2001 fékk Fræðslumiðstöð Vestfjarða 2 milljóna króna fjárveitingu til kaupa á fjarfundabúnaði. Þá fékk Atvinnuþróunarfélag Vestfjarða 800 þúsund króna fjárveitingu til hins sama. Keyptur var búnaður frá Íslenskri miðlun og var hann settur upp á Reykhólum. Var hann tekinn í notkun 25. ágúst á Fjórðungsþingi Vestfirðinga af menntamálaráðherra, Birni Bjarnasyni.

Í janúar 2002 var keyptur nýr IP-samhæfður búnaður af gerðinni Polycom og var hann settur upp á Patreksfirði. Þá var einnig keyptur notaður búnaður af Vest-Mennt og hefur hann að undanförunni verið notaður á Ísafirði. Er sá búnaður einnig IP-samhæfður.

Nú er því fjarfundabúnaður á eftirtöldum stöðum:

Staður	Gerð	Eigandi
Þróunarsetur Vestfjarða	PictureTel SwiftSide	Atvinnuþróunarfélag Vestfjarða
Menntaskólinn á Ísafirði	Intel TeamStation System V4.0a (IP)	Fræðslumiðstöð Vestfjarða
Félagsheimilið á Patreksfirði	Polycom ViewStation SP 384 System H.323 (IP)	Fræðslumiðstöð Vestfjarða
Óstaðsettur	PictureTel SwiftSide	Fræðslumiðstöð Vestfjarða
Reykhólaskóli	MC8003CP MediaConnect 8000 Model 3 - PAL (IP)	Fræðslumiðstöð Vestfjarða og Atvinnuþróunarfélag Vestfjarða
Grunnskólinn á Hólmavík		Grunnskólinn á Hólmavík
Broddanesskóli		Broddanesskóli

## Starfsemin 2001

### Námskeið

Á árinu 2001 voru haldin 46 námskeið (30 árið 2000) og hópar voru 51. Námskeiðin sóttu 650 manns, 474 konur og 176 karlar. Voru námskeiðin samtals 22.033 mannkennslustundir (fjöldi þátttakenda sinnum fjöldi kennslustunda). Stystu námskeiðin voru 3 kennslustundir en það lengsta 192 kennslustundir (Menntasmiðja kvenna).

Námskeiðin *30 rúmlesta skipstjórnarnám* og *vélgæsla* voru haldin í samvinnu við Guðmund Einarsson. Sá hann um alla kennslu en Fræðslumiðstöðin annaðist auglýsingar, skráningu og útgáfu skírteina. Sams konar fyrirkomulag var haft á tölvunámskeiðum en þar sáu tölvufyrirtæki um kennsluna. Frá síðustu áramótum tók Fræðslumiðstöðin algerlega að sér að sjá um skipstjórnarnámið.

Nánari sundurliðun námskeiða er í eftirfarandi töflu:

Námskeið	Fjöldi kennslustunda	Staður	Fjöldi þátttakenda			Mannstundir
			Konur	Karlar	Alls	
<b>Vorönn 2001</b>						
30 rúmlesta skipstjórn	140	Suðureyri		8	8	1.120
30 rúmlesta skipstjórn	136	Flateyri		10	10	1.360
Að halda veislu	5	Ísafjörður	10		10	50
Enska II	30	Ísafjörður	8	2	10	300
Ferðamálafræði og umhverfisfræði ferðamála	18	Ísafjörður	8	3	11	198
Fóstbræðra saga	18	Ísafjörður	5	3	8	144
Grettis saga	12	Ísafjörður	1	5	6	72
Gæðahandverk á Vestfjörðum	60	Ísafjörður	11		11	660
Heimanám – hvernig hjálpum við börnunum	12	Ísafjörður	25	1	26	312
Hlýðninámskeið fyrir hunda	9	Ísafjörður	9	3	12	108
Indversk matargerð	6	Ísafjörður	9	1	10	60
Íslenska fyrir útlendinga I	30	Ísafjörður	4	3	7	210
Íslenska fyrir útlendinga II	30	Ísafjörður	3	1	4	120
Matreiðsla í mótuneytum	5	Ísafjörður	8		8	40
Menntasmiðja kvenna	192	Ísafjörður	17		17	3.264
Skólastjórnarnámskeið, 4. hluti	32	Núpur	8	8	16	512
Stjórnun í opinberri stjórnsýslu	8	Ísafjörður	13	2	15	120
Undirbúningsnámskeið fyrir þroskaþjálfanámskeið	40	Ísafjörður	7		7	280
Vélgæsla	60	Ísafjörður		18	18	1.080
Vélgæsla	60	Hólmavík		15	15	900
Vélgæsla	60	Reykholmar		8	8	480
Vorverkin í garðinum	8	Ísafjörður	6		6	48
<i>Samtals 22 námskeið á vorönn 2001</i>			<b>152</b>	<b>91</b>	<b>243</b>	<b>11.438</b>
<b>Sumarið 2001</b>						
Efling stjórnmalakvenna	20	Ísafjörður	12		12	240
Garðyrkja	3	Flateyri	9		9	27
Mynd- og textílmenn	14	Ísafjörður	9		9	126
Náttúrufræði / eðlisfræði	21	Ísafjörður	14	2	16	336
Raddbeiting	18	Ísafjörður	7		7	126
Skólastjórnarnámskeið, 5. hluti	8	Reykjavík	8	7	15	120
Stafsetning	20	Ísafjörður	27	2	29	580
Þjónustunámskeið	3	Ísafjörður	21	1	22	66
<i>Samtals 8 námskeið sumarið 2001</i>			<b>107</b>	<b>12</b>	<b>119</b>	<b>1.621</b>

## Haustið 2001

30 rúmlesta skipstjórn	140	Suðureyri		6	6	840
Bókhald	18	Ísafjörður	5	3	8	144
Enska I	30	Ísafjörður	2	1	3	90
Enska II	30	Ísafjörður	6	1	7	210
Excel I	18	Ísafjörður	4	2	6	108
GPS-staðsetningarkerfið	6	Ísafjörður	1	11	12	72
Íslenska fyrir útlendinga I	40	Ísafjörður	10	8	18	720
Íslenska fyrir útlendinga II	40	Ísafjörður	10		10	400
Meltingarfærasjúkdómar	18	Ísafjörður	16		16	288
Sjálfsmat skóla (2 hópar)	10	Ísafjörður	68	16	84	840
Skrautskrift	10	Patreksfjörður	7		7	70
Skrautskrift	11	Ísafjörður	15	1	16	176
Sveppanámskeið	3	Ísafjörður	8	4	12	36
Tölvunámskeið BSRB (5 hópar)	60	Ísafjörður	55	12	67	4.020
Tölvunámskeið BSRB (hópur 6)	60	Suðureyri	8		8	480
Vélgæsla	60	Ísafjörður		8	8	480
<b>Samtals 16 námskeið á haustönn 2001</b>			<b>215</b>	<b>73</b>	<b>288</b>	<b>8.974</b>
<b>Samtals árið 2001</b>			<b>474</b>	<b>176</b>	<b>650</b>	<b>22.033</b>

## Háskólanámið

Á vormisseri 2001 voru 10 hjúkrunarfræðinemar í fjarnámi við Háskólann á Akureyri og 8 í nútímafræði við HA og Háskóla Íslands (byrjuðu 10 haustið 2000). Auk þess voru allmargir í fjarnámi við Kennaraháskóla Íslands. Á haustmisseri 2001 stunduðu um 120 nemendur á Vestfjörðum háskólanám með fjarkennslu. Í sundurliðun Fræðslumiðstöðvar voru þeir 115 en voru 123 í tölum frá menntamálaráðuneyti í svari við fyrirspurn á Alþingi. Skiptingin er þessi:

	Skóli	Nemendafjöldi			Staðsetning nemenda
		Konur	Karlar	Alls	
Hjúkrunarfræði	HA	9		9	Norðursvæði
Rekstrarfræði	HA	24	22	46	6 + 5 á suðursvæði, 16 + 19 á norðursvæði
<b>Háskólinn á Akureyri alls</b>				<b>55</b>	
Ferðamálafræði	HÍ	2		2	Suðursvæði
Íslenska	HÍ	7	1	8	Norðursvæði
Náms- og starfsráðgjöf	HÍ	3		3	Norðursvæði
Stærðfræði	HÍ	1	1	2	Norðursvæði
<b>Háskóli Íslands alls</b>				<b>15</b>	
Grunnskólakennaranám	KHÍ	21	2	23	10 á norðursvæði, 11 á suðursvæði, 3 á
Íþróttakennaranám	KHÍ	1	1	2	1 á norðursvæði, 1 á suðursvæði
Leikskólakennaranám	KHÍ	3		3	Norðursvæði
Þroskaþjálfanám	KHÍ	4		4	Norðursvæði
Tómstunda- og félagsmálanám	KHÍ	1		1	Norðursvæði
Nám fyrir starfsfólk leikskóla	KHÍ	6		6	Norðursvæði
<b>Kennaraháskóli Íslands alls</b>				<b>39</b>	
Landbúnaðarháskólinn á Hvanneyri – bændadeild		4	2	6	Nemendur á framhaldsskólastigi í bændadeild, 3 í Strandasýslu, 2 í Reykhólahreppi og 1 í Djúpi
<b>Landbúnaðarháskólinn alls</b>				<b>6</b>	
<b>SAMTALS</b>		<b>86</b>	<b>29</b>	<b>115</b>	



Hlutverk Fræðslumiðstöðvarinnar í fjarnáminu er að skapa kennslu- og vinnuástöðu, að vera tengiliður á milli nemenda og skóla, að sjá um próf og að sjá um að nám og kennsla gangi sem best. Fræðslumiðstöðin hefur ekki komið að sjálfri kennslunni en útvegaði þó og greiddi fyrir aðstoð í stærðfræði hjá rekstrarfræðinemum.

Hinn 1. desember stofnuðu fjarnemar félag er þeir nefna *Félag háskólanema á Vestfjörðum*. Tilgangur þess er að standa vörð um hagsmuni félagsmanna og vera málsvari þeirra út á við.

## „Markviss“

*Markviss* (MUS) er kerfi og aðferð til að hjálpa fyrirtækjum að fá yfirsýn yfir færni og þekkingu starfsfólks til að meta úr hverju þarf að bæta og ákveða leiðir til úrbóta. Þetta er danskt kerfi, sem símenntunarstöðvarnar tóku upp og þjálfuðu starfsfólk til að framkvæma í fyrirtækjum og stofnunum. Fræðslumiðstöð Vestfjarða kostaði þær Dagnýju Sveinbjörnsdóttur hjá Atvinnuþróunarfélagi Vestfjarða og Guðrúnu Önnu Finnbogadóttur hjá Matra til að læra að beita þessu kerfi. Fræðslumiðstöðin hefur lagt út í umtalsverðan kostnað vegna þessa. Árið 2001 var gerður samningur við 3 fyrirtæki eða stofnanir um greiningu og einn samningur hefur verið gerður það sem af er árinu 2002.

## Vika símenntunar

*Vika símenntunar* var haldin 3.-9. september. Yfirskrift hennar að þessu sinni var *Ísland og umheimurinn – tungumál og tölvukunnátta*. Mennt, samstarfsvettvangur atvinnulífs og skóla, hafði yfirumsjá með vikunni í umboði menntamálaráðuneytisins. Símenntunarstöðvarnar sáu um framkvæmdina úti um land. Á Vestfjörðum bar Fræðslumiðstöðin ábyrgð á framkvæmd vikunnar og var hún haldin í samstarfi við Svæðisvinnumiðlun Vestfjarða og Alþýðusamband Vestfjarða.

Markmiði vikunnar samkvæmt yfirskrift hennar var náð með því að efna til svokallaðra örnámskeiða í tungumálum og tölvufræðum. Voru þau haldin bæði í heimsóknum til fyrirtækja og stofnana og með fjarfundabúnaði. Markmið með þessu vali var að kynna fólki fjölmennningarlegt samfélag á Vestfjörðum, kynna og þjálfa fólk í notkun fjarfundabúnaðar og kynna þær stofnanir sem sáu um framkvæmd vikunnar á Vestfjörðum. Auk framantalinna stóðu bankar, sparisjóðir og nokkur fyrirtæki og stofnanir að sérstökum kynningum á starfsemi sinni. Þá sýndu bókasöfn bækur um erlendar tungur.

Dagskráin í *Viku símenntunar* á Vestfjörðum var þessi:

### *Námskeið og tímar*

#### **Mánudagur 3. september**

Ráðstefna um íslensku sem annað mál kl. 16-17 (fjarfundabúnaður)

#### **Þriðjudagur 4. september**

Örnámskeið í þýsku kl. 16.15-17 (fjarfundabúnaður)

Örnámskeið í pólsku, Ráðhús Bolungarvíkur kl. 8.30-9.10

Örnámskeið í pólsku, Stjórnsýsluhúsið á Ísafirði kl. 12.15-12.55

Örnámskeið í pólsku, Kambur á Flateyri kl. 14.30-15.10

### **Þátttakendur / leiðbeinendur**

Branka Remić  
Grazyna M. Okuniewska  
Ólína Þorvarðardóttir  
Toshiki Toma  
Ásgerður Bergsdóttir,  
stjórnandi

Stefan Günther  
Barbara Gunnlaugsson  
Grazyna M. Okuniewska  
Barbara Gunnlaugsson

**Miðvikudagur 5. september**

Örnámskeið í ítölsku kl. 16.15 -17 (fjarfundabúnaður)

Örnámskeið í pólsku, Þórður Jónsson, fiskverkun, Bíldudal, kl. 11.00-11.40

Örnámskeið í pólsku, Þórsberg hf., Tálknafirði, kl. 13.00-13.40

Örnámskeið í pólsku, Oddi hf., Patreksfirði, kl. 14.30-15.10

Steinar V. Árnason

Barbara Gunnlaugsson

Barbara Gunnlaugsson

Barbara Gunnlaugsson

**Fimmtudagur 6. september**

Örnámskeið í tælensku kl. 16.15-17 (fjarfundabúnaður)

Örnámskeið í pólsku, Heilbrigðisstofnunin Ísafjarðarbæ kl. 12.15-12.55

Guðrún Anna Finnbogadóttir

Pimonlask Rodpitake

Grazyna M. Okuniewska

**Föstudagur 7. september**

Örnámskeið í pólsku kl. 16.15-17 (fjarfundabúnaður)

Grazyna M. Okuniewska

**Laugardagur 8. september**

Örnámskeið um tölvuheima. Kynning á hugtökum og nýjungum í heimi tölvu og tækni kl. 16.15-17 (fjarfundabúnaður)

Björn Davíðsson

Námskeiðin voru misjafnlega sótt. Námskeiðin á vinnustöðunum voru vel sótt og vöktu athygli og áhuga. Ráðstefnuna um íslensku sem annað mál sátu fulltrúar allsherjarnefndar og félagsmálanefndar Alþingis, auk nokkurra annarra gesta.

Námskeiðin sem send voru út um fjarfundabúnað sátu innan við 10 manns hvert. Þau voru þó góð þjálfun fyrir fólk að umgangast slíkan búnað og læra á hann. Þau ættu því að nýtast fólki á Vestfjörðum á þann hátt.

## ***Kynnisferð til Skotlands***

Forstöðumaður tók að sér að skipuleggja og vera fararstjóri í kynnisferð ráðgjafarnefndar og starfsmanna Jöfnunarsjóðs sveitarfélaga til Skotlands dagana 3.-5. október 2001. Megin-tilgangur fararinnar var að kynna þeim markvissu leiðum sem Skotar hafa farið við eflingu byggða í Skosku hálöndunum og eyjunum og þeim árangri sem náðst hefur. Þátttakendur skrifuðu skýrslu um ferðina og ritaði forstöðumaður kafla um Hálanda- og eyjaskólann (The University of Highlands and Islands Millennium Institute).

# Starfsáætlun fyrir árið 2002

## Húsnæði

Aðalstöðvar Fræðslumiðstöðvar Vestfjarða eru í Þróunarsetri Vestfjarða að Árnagötu 2-4 á Ísafirði. Þar hefur miðstöðin um 12 m<sup>2</sup> herbergi auk sameiginlegs rýmis. Annar starfsmaður miðstöðvarinnar hefur aðeins fengið tímabundna aðstöðu eftir því sem herbergi hafa verið laus. Skapar það umtalsvert óhagræði.

Námskeið á Ísafirði hafa aðallega verið haldin í húsakynnum Menntaskólans á Ísafirði, en einnig í Þróunarsetrinu, Edinborgarhúsinu og Grunnskólanum á Ísafirði, þar sem mestöll tölvukennsla fer fram. Þrátt fyrir að þessi dreifing námskeiða torveldi umsjón og eftirlit, þá veldur hún ekki teljandi vandræðum, enda eru flest námskeið haldin utan hefðbundins kennslutíma dagskóla. Þá eru leiðbeinendur á námskeiðunum í mörgum tilvikum kennarar viðkomandi skóla og hafa því greiðan aðgang að byggingunum. Helstu vankantar á þessu eru viðvíkjandi tölvufræðslu, vegna þess að í sumum tilvikum væri æskilegt að geta boðið tölvunám á dagvinnutíma. Þá er æskilegt að ekki sé verið að breyta uppsetningu í tölvunum milli kennslustunda, eins og vill koma fyrir. Veldur slíkt þátttakendum erfiðleikum og tefur kennsluna.

Kennsla fjarnema með myndfundabúnaði hefur verið í Menntaskólanum, Þróunarsetrinu og á Fjórðungssjúkrahúsinu á Ísafirði, þar sem hjúkrunarfræðinemum var kennt á vormisseri. Lestraraðstaða er á heimavist Menntaskólans. Á þessum stöðum eru tæki og húsnæði samnýtt með öðrum. Þessi samnýting er erfiðari en samnýting á námskeiðum. Kennslan fer að einhverju leyti fram á starfstíma skólanna og samnýting er á tækjum, þannig að oft þarf að byrja á að tengja þau í upphafi kennslustunda. Þá þarf Menntaskólinn stöku sinnum að nota heimavistina fyrir gesti. Allt kallar þetta á ákveðinn núning á milli starfa háskólanemanna og annarra sem nýta húsnæðið, þótt allir leggi sig fram að láta það ganga upp. Til að háskólastarfið fái að þróast á farsælan hátt er brýnt að það fái sérstakt húsnæði, bæði fyrir kennslu og lestrarstöðu. Ef starfsemin á Ísafirði væri sem mest á einum stað myndi það einnig auðvelda alla framkvæmd námskeiða, auk þess sem vinnuástanda starfsmanna batnaði.

Atvinnuþróunarfélag Vestfjarða fékk styrk til að kanna möguleika á því að koma starfi Fræðslumiðstöðvarinnar fyrir í Vestrahúsinu á Ísafirði. Eigendur hússins hafa lýst sig reiðubúna að leigja Fræðslumiðstöðinni húsnæði á 2. hæð. Atvinnuþróunarfélagið fékk því Elísabetu Gunnarsdóttur arkitekt til að gera tillögur um fyrirkomulag sem hentaði Fræðslumiðstöðinni að fenginni forskrift forstöðumanns. Tillögur Elísabetar fylgja þessari skýrslu í viðauka.

Forráðamenn Hraðfrystihússins-Gunnvarar hf. buðu Fræðslumiðstöðinni aðstöðu á 4. hæð í húsi Íshúsfélags Ísfirðinga. Stjórn miðstöðvarinnar hefur nú falið forstöðumanni að ganga til samninga við fyrirtækið um leigu á húsnæðinu. Teikning Elísabetar Gunnarsdóttur af þessu húsnæði fylgir með þessari skýrslu í viðauka. Reiknað er með því að starfsemi Fræðslumiðstöðvarinnar flytjist í hús Íshúsfélagsins næsta sumar en jafnframt verði unnið að því að skapa framtíðaraðstöðu í Vestrahúsinu.

## Háskólanám

Fjarnemum í háskólanámi á Vestfjörðum fjölgaði mjög skólaárið 2001-2002. Ekki er reiknað með eins mikilli fjölgun skólaárið 2002-2003. Hins vegar er líklegt að fleiri námsleiðir verði í boði. Áhugi er innan skólanna að auka framboð á fjarnámi, þótt ýmsar hindranir séu í vegi, bæði fjárhagslegar og vegna fastheldni. Til marks um þann aukna áhuga má nefna, að nokkrir

skólar senda fulltrúa sína hingað vestur núna í vor til að kynna starfsemi sína. Í framtíðinni er æskilegt að skipuleggja þessar kynningar með því að hafa einn háskóladag eða eina háskólahelgi hér vestra.

Áhugi fullorðins fólks á menntun hefur farið vaxandi á undanförunum árum. Á sama tíma hafa möguleikar til menntunar stóraukist, bæði vegna aukins námsframboðs og vegna fjarmenntar og dreifmenntar. Allt bendir til þess að menntageirinn haldi enn áfram að stækka. Ef til vill ættu Vestfirðingar að kanna möguleikana á því að fá til sín fólk með því að bjóða íbúðarhúsnæði, leikskólaláss og aðstöðu til fjarnáms í einum pakka.

Fjölbreyttari möguleikar á grunnmenntun og endurmenntun hafa það í för með sér, að fólk skiptir oftari um störf en áður var. Þetta kallar á aukna þjónustu við náms- og starfsráðgjöf. Skólarnir geta ekki leyst þetta nægilega vel af hendi, því að þar er og hefur verið mikill skortur á fólki með viðeigandi menntun. Því væri æskilegt að innan Fræðslumiðstöðvarinnar starfaði náms- og starfsráðgjafi, sem gæti einnig verið í tengslum við aðrar stofnanir, svo sem Svæðisvinnumiðlun Vestfjarða.

## Námskeið

Á vormisseri 2002 eru 55 námskeið í boði hjá Fræðslumiðstöð Vestfjarða. Líkur eru á því, að vegna ónógrar þátttöku verði einungis um 20 þeirra haldin. Vandí við námskeiðahald á starfssvæði Fræðslumiðstöðvarinnar er þrenns konar. Í fyrsta lagi eru íbúar fáir og því erfitt að fá nægan fjölda þátttakenda. Í öðru lagi er erfitt að vita hvaða námskeiðum fólk sækist eftir. Þau námskeið sem stofnað er til eru í boði af gömlum vana – vegna þess að einhver eða einhverjir hafa óskað eftir þeim eða vegna þess að forstöðumanni eða öðrum hefur dottið í hug að bjóða þau. Vegna þessa væri æskilegt að geta gert einhverja könnun á því hvaða námskeiðum fólk óskar eftir. Í þriðja lagi er erfitt að auglýsa námskeiðin. Í september var gefinn út allvandaður bæklingur með námskeiðum haustsins. Eftir áramótin var svo gefinn út annar ódýrari bæklingur með námskeiðum vormisseris.

Í janúar á þessu ári var gerð ný heimasíða fyrir Fræðslumiðstöðina, þar sem fólk getur m.a. skráð sig á námskeið. Er þessi síða auglýst á bb-vefnum. Þá hafa verið settar upp auglýsingar í verslunum fyrir einstök námskeið og þau jafnvel auglýst í útvarpi. Næsta haust er stefnt að því að gefa út einn vandaðan bækling fyrir allan veturinn. Námskeið verða síðan auglýst á heimasíðu Fræðslumiðstöðvarinnar og reynt verður að auglýsa einstök námskeið sérstaklega, t.d. með tölvupósti og dreifimiðum í hús. Í auglýsingaskyni hefur Fræðslumiðstöðin fengið úthlutun að sérstöku vefléni, frmst.is.

Þrátt fyrir það sem að framan greinir er gert ráð fyrir að framboð námskeiða verði með svipuðum hætti og áður. Nokkrar nýjungar eru þó ákveðnar. Í ágúst mun Fræðslumiðstöðin þannig í samvinnu við Menntaskólann á Ísafirði bjóða námskeið í akademískum vinnubrögðum fyrir þá sem hyggjast byrja háskólanám. Þá verður á næsta hausti í boði pólskú námskeið, sem á að ljúka með ferð til Póllands fyrir jólin.

Allnokkrar umræður hafa átt sér stað undanfarið ár um íslenskukennslu fyrir útlendinga. Rætt hefur verið um námsefni og nýjar áherslur í náminu. Fræðslumiðstöðin hefur áhuga á að þróa þetta nám og gera það skilvirkara. Til að bæta úr þörf fyrir námsefni er Fræðslumiðstöðin í samstarfi við Svæðisvinnumiðlun Vestfjarða og Fjölmenningsarsetur um samningu námsefnis. Þá er stefnt að því að flokka þátttakendur betur í upphafi eftir kunnáttu og uppruna og miða námsefnið enn frekar við hæfi hvers hóps.

Meginþunginn í starfi Fræðslumiðstöðvar Vestfjarða hefur verið á norðursvæði Vestfjarða, einkum á Ísafirði. Svo mun verða áfram, en engu að síður er mikilvægt að sinna öðrum hlutum Vestfjarða betur en gert hefur verið. Í því skyni hefur verið reynt að efla tengsl við alla hluta fjórðungsins og koma upp tengiliðum sem víðast. Þá hefur verið reynt að ýta undir það við námsefnisgerð, að efnið sé hæft til fjarkennslu. Er vonast til að þessi viðleitni skili þeim árangri, að betur gangi að þjóna Vestfirðingum öllum. Í þessu sambandi má nefna, að nú er verið að gera tilraun með fjarkennslu í ensku. Kennt er frá Hólmavík og eru nemendur bæði þar og á Broddanesi og notaður fjarkennslubúnaður.

Forstöðumaður Fræðslumiðstöðvarinnar hefur lagt áherslu á að fá heimamenn til að annast kennslu á námskeiðum, þótt aðkomufólk sé vissulega fengið í sumum tilvikum. Þessi stefna er m.a. vegna þess, að í símenntuninni er eftir nokkrum peningum að slægjast sem æskilegt er að falli sem mest til í heimabyggð. Þá er sú þekking, sem þátttakendur á námskeiðum afla sér, aðeins hluti þeirrar þekkingarsköpunar sem á sér stað þegar námskeið er samið og haldið. Hinn hlutinn og ef til vill sá stærri verður til þegar námskeiðið er samið. Sú þekking er jafnframt varanlegri.

Skráning og varðveisla gagna um námskeið fer fram í sérsniðnu forriti sem kallast NÁMA. Þetta forrit hefur verið endurnýjað með nýrri útgáfu.

## Fjármál

Fræðslumiðstöð Vestfjarða fékk 8,5 milljónir króna á fjárlögum 2002. Upphæðin skiptist þannig, að u.þ.b. 4,5 milljónir eru ætlaðar til að greiða fyrir starfsmannahald, um 2 milljónir vegna aðstöðu og um 2 milljónir vegna sérverkefna, en þar af verði greiddur kostnaður vegna Viku símenntunar á Vestfirðum í september 2001.

Í fjárhagsáætlun fyrir árið 2002, sem send var fjárlaganefnd í október 2001, var gert ráð fyrir að tekjur og gjöld yrðu rúmar 17 milljónir króna. Gert var ráð fyrir svipaðri starfsemi árið 2002 og árið á undan, en þó aukningu í háskólastarfsemi.

Bókhaldskerfið sem notað hefur verið nefnist Fjölirnir. Er þetta kerfi samnýtt með Atvinnuþróunarfélagi Vestfjarða. Kerfi þetta er að sumu leyti úrelt og verður ekki uppfært frekar. Þá er kerfið ekki nægilega þjálmt í meðförum til að það geti gefið greinargóðar upplýsingar um reksturinn á fljótvirkan hátt.

Ákveðið hefur verið að breyta nokkuð færslu bókhalds frá og með árinu 2002, í því skyni að fá skýrar fram stöðu og útkomu hvers þáttar í starfseminni. Vegna þessa og þeirra breytinga sem fyrirhugaðar eru á starfi Fræðslumiðstöðvarinnar er fyrirsjáanlegt, að fljótlega þarf að taka ákvörðun um bókhaldskerfi, sem duga muni næstu árin.

## Viðaukar

- Viðauki I: Vestrahúsið.
- Viðauki II: Íshúsfélag Ísfirðinga.
- Viðauki III: Skipulagsskrá fyrir Fræðslumiðstöð Vestfjarða.

**Viðauki I**  
**Vestrahúsið**